

www.BibleForChildren.org



उबजणाय कीताप 6



नुह नो कुळी वेलो आहयो से। नुह
धरमी माणेह अने आपणी टेम ना
माणहु मे खरलो हतो; अने नुह
भगवान नी हाते-हाते चालतो हतो।
अने भगवान धरती भणी नींगा


नाख्यो ता हु देख्या के तीहयी बगड़ी
जेली से; काहाके

आखा
जीव धरती
पोर आहफा-आहफाम


नी चाल-चलण
ने बगाड लेदला हता।




तत्पार भगवान नुह ने केदो, “आखा जीव ने मारवा
नो सवाल मारी अगळ आय जेलो से; काहाके हीमना
कारण सी धरती बुराय सी भराय जी, करीन मे
हीमने धरती भेळ खत्तम कर देही।”



“करीन तु गोपेर झाड़ नी लाकड़ी नु एक ढुंड्यु बणाय ले,
तीनी मे कोपरा बणावजे, अने मोय अने बारो डमर्यु
लगाइजे।”




आहयी रीते तु तीने बणावजे:
ढुंड्यु नी लम्बाय तीन होव हात,
चवडाय पचाह हात, अने उचाय
तीस हात नी हय।




“अने भाती-भातीन खावा नु खाणु
जे खाय, तीने तु लीन तारीन्तां
एकूठु करीन राखजे; जे तारी जुगु
अने तीमनी जुगु खावा नु रेहे।”




अने आखा जीवत्ला माणहु मे सी, तु एक-एक जाती ना बे-बे मतलब
एक-एक नर अने एक नारी हुंड्यु मे ली जायून आपणी हाते
जीवत्लो राखजे एक-एक जाती ना चडा, अने एक-एक
जाती ना जानवरु, . . .




... अने एक-एक जाती ना धरती पोर घीहायून चालन्या जीव-जन्तु,
अने आखा मे गेथा बे-बे तारीन्तां आवहे, के तु तीमने जीवत्ला
राखे।




आखी जाती मे चोखला जानवरु मे सी तु हात-हात जोड़ा, मतलब
नर अने नारी लेजे: पण जे जानवरु चोखला नी ह्य,
तीमनी मे गेथा बे-बे जानवरु लेजे, मतलब नर अने
नारी; अने हरग मे ना चड़ा मे सी बी हात-हात
जोड़ा, मतलब नर अने नारी लेजे, के तीमनी
अवल्यात सी आखी धरती भराय जाय।






नुह आह्रफा ना सोरा,
लाडी अने ववेह भेळ,
मुसळ-धार्यो पाणी सी बचवा
करीन हुंड्या मे ज्या।





जत्यार नुह नी उमर ना छोव होव
साल ना बीजा मयना ना हत्रे दाडा मे;
तीहया दाडे उंडला दर्या ना आखा झोर
वय नकळ्या अने हरग नु वादळु उगडी ज्यु।





अने पाणी चाळीह दाडा अने चाळीह
रात लगातार धरती पोर पड़तो र्यो।




पाणी बढतु-बढतु धरती पोर घणुत बढ
ज्यु, अने हुंङ्यु पाणी ना उपर-उपर
झेपतु र्यु।




पाणी धरती पोर घणु बड़ ज्यु, आजे तक के आखी धरती पोर जेतरा मोटा-मोटा बड़ा हता, तीहया आखा डुब ज्या। जे-जे धरती पोर हता तीमनी मे सी जेतराम ना नखरा मे जीवाय नी हाह हती, आखा मर ज्या।



भगवान नुह अने जेतरा जंगली जानवरु अने पाळला
जानवरु तीनी भेळ मोट्लु दुन्ड्यु मे हता, तीमनी
आखा नी खबर लेदो: अने भगवान धरती पोर
वाहळु बड़ायो, अने पाणी कम हयवा बाज ज्यु।






अळी आसम ह्यु के चाळीह दाडा
नी अळतेण नुह आहफा बणावला
मोट्लु दुन्ड्यु नी खीडकी खोलीन,
अळी तीह्यु आहफी पां गेथु एक
पारवी ने बी उडाड देदो के देखे
के पाणी धरती पोर गेथु कम ह्यु
के नी।



अने बीजा मयना ना सत्तावीसवा दाड़े धरती आखी रीते सुख जी।
तत्पार भगवान नुह सी केदो, “तु आहफा सोरा,
लाडी अने ववेह भेळ मोट्लु दुन्ड्यु मे
गेथो नकळीन आवा।”



तत्पार नुह यहोवा जुगु ँक वेदी बणायो, अने आखा चोखला
जानवरु, अने आखा
चोखला चडा मे गेथा,
कंय-कंय लीन वेदी पोर
होम बादा चडाया।



अळी भगवान केदो,
“जे वायदो मे तमारी
हाते, अने जेतरा
जीवत्ला जानवरु तमारी
हाते से तीहया आखाम नी
हाते बी हमेसा-हमेसा नी पीडी
जुगु करु, तीनी आहयी सेलाणी

से: के मे वादळा मे मारो
बाम मेकलो से, तीहयो मारी
अने धरती ना वचमे वायदा नी
सेलाणी हयहे।”



“अने जत्यार मे
धरती पोर वादळु
फेलावु तत्यार वादळा
मे बाम देखाव पडहे।
तत्यार मारो जे वायदो
तमारी अने आखा जीवत्ला
डीलवाळा जानवरु नी हाते


करलो से; तीने मे फोम
करही, तत्यार एवु
मुसळ-धार्यो पाणी अळी
नी हये जीनी सी आखा
जानवरु खत्तम हये।”



अळतेण भगवान नुह ने अने
तीना सोरा ने बरकत आप्यो अने तीमने केदो,
“फुलो-फालो अने वदो अने धरती मे भराय
जावो।” नुह ना जे सोरा मोट्लु दुनूड्यु मे गेथा
नीकळ्या, तीहया सेम, हाम अने येपेत
हता; अने हाम कनान नो बाह
बण्यो। नुह ना तीन सोरा

आहयात से
अने

ईमनी अवल्यात
आखी धरती पोर फेल जी।



भगवान आह्यी कळी सी एतरो मोंग कर्यो, के
तीना एक-खोळ्या बेटा ने आप देदो के, जे कोय
तीनी पोर भरहो करे, तीहयो बरबात नी ह्ये,
पण अमर जीवाय हात करहे।



रोमीयो 3:23 काहाके आखान-आखा पाप करला से, अने आखान-आखा भगवान नी बड़ाय सी बाकता ह्य ज्या।

रोमीयो 6:23 काहाके पाप नी दाड़की ते मोत से, पण भगवान नो फोकट्यो वाटो आपणा मालीक ईसु मसी मे अमरकाय जीवाय से।

ईब्रानीयो 9:27 अने जीसम माणहु नी लेदे एक कावा मरवा अने तीनी बाद नीयाव नु ह्यणु से जरुडी से।

ईफीसीयो 2:8,9 काहाके भरहा ना लारे दया सीत तमु बचला से, काहाके तमारी लारे नी ह्यु, पण आह्यु भगवान नो ईलाम से, अने आह्यु तमारा कामु नो फोळ नी ह्य, के कोय मोटाय करे।

रोमीयो 10:9,10 आनीन करते कदी तमु आपणा मोडा सी ईसु ने मालीक करीन मान्ता ह्य अने मन मे आह्यो भरहो करता ह्य के भगवान तीने मरला मे गेथो जीवतो करलो से ता तमने छुटकारो जड़हे। काहाके भरहो मन सी कराय, जीनु फोळ से धारमीक्ता अने मानवा मोडा सी ह्ये जीनु फोळ से छुटकारो।



युहन्ना 3:16,17 भगवान आह्यी कळी सी एतरो मोंग कर्यो, के तीना एक-खोळ्या बेटा ने आप देदो के, जे कोय तीनी पोर भरहो करे, तीहयो बरबात नी ह्ये, पण अमर जीवाय हात करहे। भगवान आह्फा ना बेटा ने कळी मे आनी लेदे नी मोकल्यो, के कळी पोर डंड नो हुकम आपे, पण आनी लेदे के कळी तीनी लारे बचे।

1 युहन्ना 5:11-13 अने तीह्यी गवाय आह्यी से, के भगवान आपणु ने अमर जीवाय आपलो से: अने आह्यी जीवाय तीना सोरा ईसु मसी मे से। जीनी पांह ईसु से, तीनी पांह जीवाय से; अने जीनी पांह भगवान नो सोरो ईसु मसी नी ह्य तीनी पांह जीवाय बी नी ह्य। मे तमारी जुगु, जे भगवान ना सोरा ना नाम पोर भरहो कर र्या, आनीन करते लीख र्यो; के तमु जाण जावो, के अमर जीवाय तमारी से।



उबजणाय कीताप 6 – 10

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot, Tammy S.

Paliya Bible (bpx) © The Word for the World International
and Yisu Por Bherho Karanya Paliya Mandli,
Rajpur, Barwani, MP, 2025

<https://www.bible.com/en-GB/bible/2779/MAT.1.PPT2025>

©2026 Bible for Children, Inc.

www.M1914.org

www.bibleforchildren.org

